



SIARAN MEDIA

SESI DIALOG AWAM MANTAPKAN INDUSTRI KESELAMATAN SIBER NEGARA

KUALA LUMPUR, 8 Jun 2023 – Menteri Komunikasi dan Digital, YB Fahmi Fadzil menghadiri sesi dialog awam Industri Keselamatan Siber anjuran CyberSecurity Malaysia, menerusi program CyberSecurity Malaysia Collaboration Program (CCP) hari ini.

Sesi dialog awam yang dihadiri seramai 200 orang pemain industri bertujuan untuk memantapkan lagi usaha KKD sebagai peneraju pembangunan industri keselamatan siber negara bagi menghadapi cabaran dan ancaman siber yang semakin kompleks. Sesi ini turut menjadi platform untuk saling bertukar pandangan dan berkongsi pengalaman mengenai isu keselamatan siber.

Penganjuran dialog ini merupakan langkah penting dalam memajukan pembangunan industri keselamatan siber negara, di samping memastikan kelestarian bidang ini dari aspek kredibiliti dan kepakaran seiring perkembangan teknologi bagi menjadikan industri keselamatan siber di Malaysia setara kedudukannya dengan negara-negara maju yang lain.

Turut hadir, Timbalan Menteri Komunikasi dan Digital, YB Teo Nie Ching, Ketua Setiausaha KKD, YBhg. Datuk Mohamad Fauzi bin Md Isa, Pengerusi Lembaga Pengarah CyberSecurity Malaysia, YBhg. Jeneral Tan Sri Dato' Sri (Dr.) Haji Zulkifeli bin Mohd. Zin (Bersara) dan Ketua Pegawai Eksekutif CyberSecurity Malaysia, YBhg. Dato' Ts. Dr Haji Amirudin Abdul Wahab.

**Dikeluarkan oleh:
Jabatan Outreach & Komunikasi Korporat
CyberSecurity Malaysia**